




Australian Government

Regra tránzitu jerál iha Austrália

palmscheme.gov.au

Regra tránzitu balu iha Austrália la hanesan regra sira iha país illa Pasíku sira ka Timor-Leste. Antes ita bele lori karreta iha Austrália, halo favór verifika katak ita-nia karta kondusaun mak nafatin válido (moris). Verifika mós katak ita-nia karta kondasaun bele uza (hetan lisensa) ka lae iha área Austrália ne'ebé ita planu atu hodi karreta.



LAMPU TRANZITU (LAMPU MERAH)


Iha Austrália, sistema lampu tránzitu uza lampu kór tolú:

- **mean** signifika ita tenke para.
- **kinur** (kór-sabréka) signifika ita tenke para. Kuandu lampu kinur lakan, ita bele liu de'it se la bele para ho seguru antes liña 'para'. Ita labele para derrepente, no ita labele aumenta velosidade atu liu bainhira lampu kinur lakan.
- **verde** signifika katak ita bele liu kruzamentu se seguru atu halo nune'e.



ROTUNDA (BUNDARAN)

- Rotunda sira mak kruzamentu sirkulár (kabuar) ida iha ne'ebé tránzitu la'o iha diresaun ida hale'u illa (fatin) sentrál ida.
- Ita tenke hamenus velosidade iha rotunda no fó dalan ba tránzitu ne'ebé mai husi ita-nia liman-loos.



LIMITE VELOSIDADE

- Importante atu fó atensaun ba sinál limite velosidade sira.
- Labele halai lalais liu limite velosidade nian. Ida-ne'e mak velosidade másimu ne'ebé ita bele halai.
- Iha loron ne'ebé labarik sira tama eskola, zona eskola nian iha limite velosidade espesiál ne'ebé neineik liu durante oras balu.
- Kontra lei atu halai lalais liu limite velosidade, no bele hetan multa.



SINTU SEGURANSA

- Konduktor no pasajeiru hotu-hotu tenke uza sintu seguransa.
- Molok ita hahú viajen ho karreta, asegura katak ita-nia sintu seguransa iha pozisaun loloos, aperta loloos, no kesi metin.
- Labarik ki'ik sira (ho idade, aas no todan espesíku ruma) tenke tuur iha kadeira karreta espesiál ida-ne'ebé aprobadu ona.
- Konduktor bele hetan multa boot ba pasejeiru ne'ebé la uza sintu seguransa nian.



TELEMOVEL

- Bainhira ita lori karreta, labele foti ka kaer telemovel, inklui se ema seluk kaer telemovel ne'e ba ita atu uza.
- Kontra lei mós atu tau telemovel iha ita-nia hitin bainhira lori karreta.
- Asidente karreta barak akontese tanba kondutór atrapalladu tanba telemoval no hateke ba telemovel.



DROGA NO ALKOL (TUA)


- Perigozu ba ita no ema seluk se ita lori karreta hafoin hemu droga ka alkol.
- Ita kontra lei se ita lori karreta ho nivel alkol iha raan 0,05% ka aas liu. Hemu kopu tua rua (kopu ho padraun espesífiku) bele resulta ho ita liu nível ne'e.
- Ita bele hetan multa ne'ebé boot no lakon kartu kondusaun.



KOLEN

- Perigozu atu lori karreta bainhira sente kole ka matan-dukur.
- Se ita maas beibeik ka taka matan beibeik bainhira lori karreta, tenkesér para no deskansa.
- Asegura katak ita toba natoon ona molok lori karreta.
- Labele lori karreta liu oras 3 sein para atu deskansa.

Nota bá: lori karreta iha Austrália diferente ho lori karreta iha ita-nia rain. Sempre asegura katak ita-nia an, ita-nia pasajeiru no ema seluk iha estrada nafatin seguru hodi halo tuir regra tránzitu sira hotu iha Austrália.



FORMASAUN NE'EBÉ DISPONÍVEL BA TRABALLADÓR SIRA

Se ita mak traballadór ida iha eskema Mobilidade Traballu Pasífiku Austrália nian (PALM), ita bele hetan formasaun kondutór nian.

Formasaun ida-ne'e mak parte iha eskema PALM nia Programa Dezenvolvimentu Abilidade.

Atu hetan informasaun seluk tan, ko'alia ho ita-nia empregadór kona-ba formasaun ne'ebé ita bele tuir.

REKURSU SELUK TAN

Iha informasaun iha eskema PALM nia sítiu internét ne'ebé bele ajuda ita atu lori karreta iha Austrália.

Se iha pergunta ruma, husu to'ok ita-nia empregadór. Se empregadór la bele ajuda, ita bele:

- kontakta eskema PALM nia liña telefone ba servisus apoio nian iha 1800 51 51 31
- manda email (palm@dewr.gov.au) entre tuku 8:30 dadeer no tuku 6:30 lokraik AEST.

Se iha problema sériu, favór ida bolu liña servisus apoio nian iha tempu naran de'it iha loron ka kalan.